

Communicaziun a las medias BCG

Energia solara dal tetg da la BCG a Glion

Cuira, ils 5 d'october 2016 – La Banca Chantunala Grischuna ha installà panels solars sin il tetg da sia sedia regiunala a Glion. Il nov implant è en funcziun dapi la stad e producescha mintg'onn electricitad en la dimensiun da var 30'000 uras kilowatt. El è vegnì finanzià sur il fond per il svilup duraivel reservà aposta per projects interns da la banca.

Il consum d'electricitad s'augmenta permanentamain. Tant dal punct da vista ecologic sco er economic fai perquai senn da meglierar la tecnica d'energia. Cun augmentar sia efficienza energetica reducescha la Banca Chantunala Grischuna cuntinuadamain sias emissiuns da CO2 ed uschia sia impronta ecologica. En quest connex nizzegia la banca era las pussaivladads da la fotovoltaica. In exempel actual è il nov implant d'energia solara installà sin il tetg da la sedia regiunala da la BCG a Glion.

L'electricitad producida cun agid da l'energia solara vegn utilisada directamain per il manaschi da la banca. «Jau ma legrel che nus avain pudì realisar l'implant a Glion», declera Christian Alig, manader da la BCG Regiun Glion. L'app respectiva permetta ultra da quai ad el da tegnair en egl da tut temp la quantitat da l'electricitad producida mintga di u mintga mais, explitga Alig vinavant. Il retgav annual spetgà da var 30'000 uras kilowatt correspunda circa al consum annual da sis chasadas cun mintgamai quatter persunas.

Il fond da la BCG per projects duraivels

La BCG dispona dapi il 2011 d'in fond per il svilup duraivel. Cun la facultad dal fond promova la banca agens projects, servetschs e products en il senn d'in svilup responsabel da l'interpresa. Alimentà vegn il fond sur la restituziun annuala d'ina taxa directiva da CO2 che sa basa sin ina bilantscha energetica positiva da la BCG. En questa moda ha la banca realisà ils ultims onns quatter implants solars en sias sedias regiunalas a Scuol, Sedrun, Mustér ed uss a Glion.

Contact per las medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 1'018 collavuraturas e collavuratur (stadi dals 30-06-2016). En il chantun Grischun cun sias numerusas vals e pliras linguas, è l'interpresa represchentada cun 61 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 23,654 milliardas in gudogn dal concern da CHF 90,4 milliuns. Il scrit da participaziun BCG è quotà a la bursa dapi ils 10 da settember 1985.

Termis

Quint annual 2016: 10 da favrer 2017

Radunanza dals participants: 8 d'avrigl 2017
